

Guangjisi Minzcu Bau

ganbbau: CN45-0036 B.2016 Nd.12 Ng.7 liggaueq bingjsaen nienz ndwenit cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3252期

Guengjsae Seiq Aen Banhfap Gaem Ndei Hong Minzcu Doxgiet Gyauyuz Cungh Siuj Hagdangz 广西四举措抓好中小学校民族团结教育

Gaenh bi neix daeuj, Guengjsae doenggvaq dangzgoq sonhag, saed-guh hozdung, gungganq lauxsae caeuq haiguh hagdangz minzcu gyauyuz hozdung daengj seiq aen banhfap doidoengh hong minzcu doxgiet gyauyuz cungh siuj hagdangz.

It dwg fatok dangzgoq sonhag cozyung. Guengjsae yaenqfat 《Gij Dunghcih Mizgven Caenh' itbouh Guh Ndei Hong Minzcu Doxgiet Gyauyuz Cungh Siuj Hagdangz Daengx Gih》, iugouz cungh siuj hagdangz aeu baujcwnq seizgan anbaiz dangzgoq minzcu doxgiet gyauyuz, duenh yivu gyauyuz hagdangz sonhag seizgan moix hagnienz aeu baujcwnq 10-12 dangz, bujdungh gauhcungh sonhag seizgan moix hagnienz baujcwnq 8-10 dangz, cunghdwnj cizyez hagdangz sonhag seizgan moix hagnienz baujcwnq 12-15 dangz. Giethab gak yozgoh sonhag neiyungz caeuq daeg-diemj, cab haeuj minzcu doxgiet gyauyuz neiyungz, mboujdan dab-daengz gij moegbiu yozgoh sonhag, youh ndaej hawj gyoengq hagseng

roxyiuj gij cihisiz minzcu vwnzva, gungganq gij swhsienj yisiz minzcu doxgiet cinbu hagseng.

Ngeih dwg guh minzcu doxgiet gyauyuz saedguh hozdung lai cungh lai yiengh. Gak dieg, gak hagdangz cungfaen leihyung hawj minzcu vwnzva swhyenz fungfouq Guengjsae, gaenxmaenx cujiz haiguh gij minzcu vwnzva maenhndei haeuj hagdangz hozdung, hawj fwen dangdieg, diu-foux ndawbiengz, conzdungj diyzuz haeuj ndaw dangzgoq. Baengh banhoih, donzdui hozdung, swng geiz yizsi, ciendaiz gyangjico, ciengzbauc banjbauq daengj hozdung caidij, doenggvaq cujiz doiq fwen, biujyienj diufoux minzcu, minzcu conzdungj diyzuz hozdung daengj hozdung fuengsik caezgya maij dingq gyaiz yawj haenx, youq gak gaep gak loih hagdangz guh hozdung seiz hengzguh minzcu doxgiet gyauyuz.

Sam dwg roengzrengz gaem ndei hong gungganq lauxsae minzcu doxgiet gyauyuz. Cietsaed gaem ndei hong gungganq lauxsae minzcu

doxgiet gyauyuz cungh siuj hagdangz, aeu gij hong gungganq lauxsae minzcu doxgiet gyauyuz lied haeuj ndaw dajveh gungganq lauxsae cungh siuj hagdangz daengx gih caeuq baenz-dauq laebdaeb gungganq lauxsae bae, cungfaen baengh Guengjsae Minzcu Daihag laebbaenz Aen Dieg Gungganq Lauxsae Minzcu Doxgiet Gyauyuz Guengjsae, faen geiz faen buek bae guh gij hong gungganq gyoengq lauxsae guzgan minzcu doxgiet gyauyuz cungh siuj hagdangz.

Seiq dwg doidoengh hagdangz minzcu doxgiet gyauyuz hozdung gvangqlangh haiguh. Banh daengx gih cungh siuj hagdangz minzcu doxgiet cihisiz vangjloz doxdax. Hagseng doeng-gvaq vangjloz hagsib caeuq lienh gij cihisiz minzcu doxgiet, doiq hagdangz daezsang minzcu doxgiet gyauyuz gig ndei. Banh daengx gih hagseng cungh siuj hagdangz doxdax cihisiz minzcu doxgiet, rengzrwd coicaenh le minzcu doxgiet gyauyuz gvangqlangh haiguh.

(Sung Vwnz/宋文)

SIUSIK DINJ 简讯

● Mboengqneix, aen hoih son' gyauq doxyau cauxsij Fwencuengh Vujmingz Gih youq Cwngzgih Duzsuhgvanj banh, gyoengq canghfwen hezvei gak cin, bouxyaez fwen gungh 50 lai boux camgya. Gwnz hoih-doxgyau, gyoengq canghfwen gonqlaeng biujyienj bouxdog eu fwen caeuq doiq fwen daengj, sing fwen goksadsad, ndaej-daengz bouxyawj bekwngz haenhndei, nauhyied dangqmaz.

(Cwnggh Hanzyinh)

● Mboengqneix, bi 2016 aen banbeizyin banggunz gyah-cwnq fuzvu youz Lozcwnz Mulaujcu Swciyen Mehmbwk Lenzhozvei, Yen Fuzbinzban lienzhab banh haenx cingqsik haiban, haengrengz daezsang gij dinfwngz guhhong, gya'gyangq roenloh couhnieb mehmbwk gungzhoj Mbanjmulauj, 70 lai boux mehmbwk gungzhoj daj daengx yienh 11 aen yanghcin daeuj haenx camgya gyahcwnq fuzvu beizyin guh 20 ngoenz mbouj aeu cienz haenx.

(Mungz Cwngghsw)

● Mboengqneix, "Hozciz Si citheiq deihfueng minzcu haeuj hagdangz" swnjcienz hagsib comzyienj hozdung youz Hozciz Si Minzvej cawjbanh haenx youq Hozciz Si Cizyez Gyauyuz Cungsim Hagdangz banh. Doenggvaq citheiq deihfueng minzcu comzyienj swnjcienz hagsib gyauyuz hozdung, hawj gyoengq lauxsae hagseng Cuengh, Gun, Yauz daengj minzcu roxyinh daengz gij yinxdaeuz vwnzva citheiq ndawbiengz minzcu.

(Mungz Youjyi)

● Bineix daeuj, Denzlinz Yen giengzvaq banhfap gyalai hong faplwd bangcoh gyoengq mehmbwk, faplwd bangcoh cungsim vih gyoengq mehmbwk daengx yienh daegbied dwg mehmbwk ranzgungzhoj gung-hawj faplwd bangcoh, cungfaen baujhoh gij gienzleih habfap mehmbwk. Daengz ndwen 11, daengx yienh gungh ciepsouh mehmbwk camcaz 2000 lai boux, banhleix nangqdaengz anqgienh henhoh gienzleih mehmbwk 131 gienh, vih 202 boux mehmbwk sou dauq ngaenzcienz sonjsaet 376 fanh maenz.

(Banh Sauginh)



Lungzswng:

Beixnuengx Dungcu Angqgvaq "Cietdoeng"

龙胜:侗族同胞欢庆“冬节”

12 nyied 2 hauh, beixnuengx Dungcu Lungzswng Gak Cuz Swciyen Lozgyangh Yangh Siyhauh Cunh youq ngoenz "cietdoeng" caez biujyienj aenvenz. Ngoenz haenx, geij cien boux beixnuengx Dungcu ndang daenj buhvaq moqsag gyaeuet doxcomz youq giz haenx, haiguh cimz gijgwn ndei Mbanjdung, yawjngonz saekhoengz vwnzva, doxcomz gwn ngaiz daengj hozdung lai cungh lai yiengh, yinx ndaej haujlai vunzlai caeuq bouxhek gya'gyawj Huznanz Guengjsae daeuj yawjngonz daejniemh. Ndw doz dwg gyoengqvunz cingq boq aenvenz.

(Vuz Swngghbinh/吴生斌 Vangz Yungjdanh/黄勇丹)

Denzlinz Yawjnaek Linzyez Swngghdai Hwnjguh Bangcoh Loegsaek Hwngfat 田林注重生态林业建设助力绿色发展

Gaenh geij bi daeuj, Denzlinz Yen dawz linzyez hwnjguh caeuq gajndeidei swngghdai vanzging, coicaenh ndaw yienh ginghci cienjhingz hwngfat dox giethab, roengzsim gungganq, hableix haifat, gyongjyoeb leihyung linzyez swhyenz, daengx yienh linzyez hwngfat yienh'ok aen gizmen ndei.

Aen yienh neix laebdin saedsaeh diegbya, aeu saedhengz doiq reih ndaem faex boiqdauq byafwz caux ndoeng, Cuhgyangh diegfaex fuengz-hen rumzsa caux ndoeng, "heu rim Bazgvei" cauxndoeng loegvaq daengj guekgya caeuq swcigih cungdenj gungghcwnz hanghmoeg hwnjguh guh

cujyau caidij, fatdoengh vunzlai haengrengz ndaem faex caux ndoeng. Doengzseiz, aen yienh neix gyavaiq saedhengz linzgaj cwngcwz, gaenx-maenx dazyinx vunzlai caux ndoeng hoh ndoeng. Dangqnaj, aen yienh neix ndoengfaex cwgoemq bijliz dabdaengz 77.1%; bineix buenq bi gonq daengx yienh guhbaenz caux ndoeng menciz 6.96 fanh moux, ndawde gocoengz, gosamoeg, faexnganqciq miz 4.84 fanh moux, youzcaz miz 1.08 fanh moux, makgaivaiz miz 0.56 fanh moux, mak-hwzdauz miz 0.32 fanh moux, faenfaex dijbauz miz 0.16 fanh moux. Guhbaenz ganq gomiuz menciz 252 moux, ganq gomiuz soqliengh 2430 fanh go.

Vih gya raez diuz lienh canjnieb linzyez, aen yienh neix lij yawjnaek huqndoeng cingsaeq gyagoeng caeuq gyongjyoeb leihyung, gyalai gungganq giyez gyagoeng faex, gungganq guhhung gij faex cingsaeq gyagoeng canjnieb gohgi hamzliengh sang, fuyahciz sang, swhyenz leihyung yauliz sang haenx, dawz 54 aen giyez iq, sanq gyagoeng faex haenx cingjhab gungganq baenz 11 aen giyez hung, aen hangznib gyagoeng faex canjiz demgya daengz 9.66 ik maenz, cauxbaenz aen gij doxgaiq gyagoeng faex dijhi aeu benj faex hab caeuq benj swngghdai guhcawj he.

(Yenj Cinbyauh/冉俊彪)